

Kreis
Steinfurt
S 55

[c. 1375.]

[8 55]

Wy broder Lubbert van Weteringhe, een balher in Westfalen van unses heren weghene, heren Conrades van Brunsberch, und oek geconfirmeret van unses heren weghene, des Meysters van Overmeer (Übermeer, Rhodus), zo is uns bevolen des Ordens gut und alles Ordens bedrief und allinich to satene und to settene und to done in Westfalen, warumme gy solet weten, want ich mer dan dertich jar to Stenworde bin kercker (Kirchherr, Pastor, in Steinfurt Prior genannt) ghewesen und dar vele bedrives ghehat hebbe umme bede willen mynes heren van Stenworde und umme der guden lude willen van den kerspele und my des kerspels underwant, alze men wal weyt, und myt mynes heren willen und myt arbeide und myt holpe guder lude de kercken weder timmerde wal twighe (zweimal) so gut, alze ze thovoren was, des ich vorgaderde wal 50 marc, de ich to my nam und in myne hode, und ich sach, dat dat hues van Stenworde (die Kommende) timmerachtich (baufällig) was, und ich hedde eme gherne helpen und sprach, ich wuste wal up een ende 50 marc, dar wolde ich eme wal mede helpen, esche (?) ich sekerheyt hebde, wan men des geldes nycht sengher eenberen mochte eder wolde, dat ghy dat dan betalen und gheven my des des huses brees, wan ich des huses brees antwerde, dat gy dan dat geld antwerden sonder vortrecken und schaden, des hebbe ich my beprovet, dat ich al dinch recht verdeghe, dat gy dat geld antwerden in heren Wessels (Cordwanerinch, Schloßkaplans,) hant und den kerchmeystere des kerspels van Stenworde, want dat geld ghebeden want tho Stenworde und ummeland in den lande: wy vort manet ju, her Gumelbur (Komtur), dat gy dar willich und vlitich tho sin, dat dat gelt betalt werde, want der Orden gheen recht dartho en hevet. Her Wessel und gy kerchmeystere, ich bidde ju inmedlike, dat gy dat vorderen, dat dyt nycht achter en blive, want dyt gelt endelike horet tho Godes denste, tho clenode und fiede (Zierat) des godeshus und der prestere. Leyve her van Stenworde, ich bidde ju und ju altomale buten und binnen, of ich weder genich mysdan hebbe, dat gy dat my willen vorgehen.

Abstrift, um 1600, ohne Datum. Copiale documentorum commendae Steinfurtensis, p. 12. I. Rep. C. V. 1.